



ՊԱՅՄԱՆԱԳԻՐ
«Արմինեո» ՍՊԸ կողմից Հայաստանի Հանրապետության
արտաքին գործերի նախարարությանը
հեռահաղորդակցության ծառայությունների մատուցման վերաբերյալ

N ԱԳՆ - 75

ք. Երևան

30-ը դեկտեմբերի 2011թ.

ՀՀ արտաքին գործերի նախարարությունը, ի դեմս գլխավոր քարտուղար Շահեն Ավագյանի, ով գործում է ՀՀ ԱԳ նախարարության կանոնադրության հիման վրա (այսուհետև՝ Պատվիրատու), մի կողմից, և «ԱՐՄԻՆԵՈ» ՍՊԸ-ն, (այսուհետև՝ Կատարող), ի դեմս տնօրեն Արման Ներսիսյանի, ով գործում է «ԱՐՄԻՆԵՈ»-ի կանոնադրության հիման վրա, մյուս կողմից, (այսուհետև՝ Կողմեր), ղեկավարվելով ՀՀ օրենսդրությամբ, կնքեցին սույն Պայմանագիրը հետևյալի մասին.

1. ՊԱՅՄԱՆԱԳՐԻ ԱՌԱՐԿԱՆ

1.1. Պատվիրատուն պատվիրում է, իսկ Կատարողը իրականացնում է հեռահաղորդակցության տեղեկատվական, ֆիքսված հեռախոսակապի ծառայությունների (այսուհետև՝ Ծառայություններ) մատուցումը: Ծառայությունները ներառում են՝

1.1.1. սույն Պայմանագրի անբաժանելի մասը կազմող Հավելված 1-ում (այսուհետև՝ Հավելված 1) սահմանված տեխնիկական բնութագրի պահանջներին համապատասխան անհատույց մատուցվող ծառայությունները:

1.1.2. սույն Պայմանագրի անբաժանելի մասը կազմող Հավելված 2-ում (այսուհետև՝ Հավելված 2) սահմանված սակագներին և որակին համապատասխան մատուցվող ծառայությունները:

2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

2.1. Պատվիրատուն իրավունք ունի՝

2.1.1. Ցանկացած ժամանակ ստուգել Կատարողի կողմից Ծառայությունների մատուցման ընթացքը և որակը՝ առանց միջամտելու Կատարողի գործունեությանը:

2.1.2. Կատարողի կողմից՝

2.1.2.1. Հավելված 1-ում նշված տեխնիկական բնութագրին չհամապատասխանող Ծառայություններ մատուցելու դեպքում՝

ա) Չընդունել նման Ծառայությունը՝ իր հայեցողությամբ սահմանելով այն՝ Հավելված 1-ում նշված տեխնիկական բնութագրին համապատասխանող Ծառայությամբ անհատույց փոխարինման ողջամիտ ժամկետ:

բ) վերը նշված «ա» կետում նախատեսված գործողությունների կատարման անհնարինության դեպքում՝ հրաժարվել սույն Պայմանագիրը կատարելուց:

2.1.2.2. Հավելված 2-ում նշված պայմաններին չհամապատասխանող Ծառայություններ մատուցելու դեպքում՝

ա) Չընդունել այդ Ծառայությունը՝ պահանջելով այն՝ Հավելված 2-ում սահմանված պայմաններին համապատասխանող Ծառայությամբ անհատույց փոխարինում կամ սույն պայմանագրի 4.3. կետում նշված իաշիվների վերահաշվարկ, կամ

բ) պահանջել վերադարձնելու նման Ծառայության մատուցման ընթացքում Պատվիրատուի կողմից վճարված գումարը:

2.1.3. Միակողմանի լուծել սույն Պայմանագիրը, եթե Կատարողն էականորեն խախտել է սույն Պայմանագիրը: Կատարողի կողմից Պայմանագիրը խախտելն էական է համարվում, եթե՝

ա) մատուցված Ծառայությունը չի համապատասխանում Հավելվածներ 1-ով և 2-ով սահմանված պահանջներին,

բ) խախտվել են Ծառայությունների մատուցման ժամկետները:

2.2. Պատվիրատուն պարտավոր է՝

2.2.1. Ընդունել Հավելված 1-ում նշված տեխնիկական բնութագրի համապատասխան մատուցված Ծառայությունների արդյունքը, իսկ Ծառայությունների մատուցման արդյունքում թերություններ հայտնաբերելու դեպքում՝ այդ մասին անհապաղ գրավոր հայտնել Կատարողին:

2.2.2. Հավելված 2-ով սահմանված պայմաններին համապատասխանող մատուցված Ծառայությունների արդյունքն ընդունելու դեպքում ժամանակին Կատարողին վճարել վերջինիս վճարման ենթակա գումարները:

2.3. Կատարողն իրավունք ունի՝

2.3.1. Պատվիրատուից պահանջել վճարելու Հավելված 2-ով սահմանված պայմաններին համապատասխան մատուցված Ծառայության համար վճարման ենթակա գումարները:

2.4. Կատարողը պարտավոր է՝

2.4.1. Հավելված 1-ում և Հավելված 2-ում սահմանված պայմաններով ապահովել Ծառայությունների մատուցումը՝ ղեկավարվելով ՀՀ օրենսդրությամբ:

2.4.2. Սույն Պայմանագրի կատարման ապահովման ընթացքում լուծարման կամ սնանկացման գործընթաց սկսելու դեպքում՝ դրա մասին նախապես գրավոր տեղեկացնել պատվիրատուին:

3. ԾԱՌԱՅՈՒԹՅԱՆ ՀԱՆՁՆՄԱՆ ԵՎ ԸՆԴՈՒՆՄԱՆ ԿԱՐԳԸ

3.1. Հավելված 1-ով նախատեսված Ծառայության արդյունքներն ընդունվում են Պատվիրատուի և Կատարողի միջև հանձնման-ընդունման արձանագրության (այսուհետ՝ Արձանագրություն) ստորագրմամբ:

Կատարողը Ծառայության մատուցման ավարտից 2 աշխատանքային օրվա ընթացքում Պատվիրատուին է հանձնում մատուցված Ծառայությունների մասին իր կողմից ստորագրված արձանագրության երկու օրինակ:

3.2. Արձանագրությունը ստորագրվում է, եթե մատուցված Ծառայությունը համապատասխանում է Պայմանագրի պայմաններին: Հակառակ դեպքում Պայմանագրի կամ դրա մի մասի կատարման արդյունքները չեն ընդունվում, և պատվիրատուն ձեռնարկում է նման իրավիճակի համար սույն Պայմանագրով նախատեսված միջոցները:

3.3. Պատվիրատուն Արձանագրությունը ստանալու պահից տասնօրյա ժամկետում Կատարողին է ներկայացնում իր կողմից ստորագրված Արձանագրության մեկ օրինակը կամ Ծառայությունները չընդունելու պատճառաբանված մերժումը:

4. ՎՃԱՐՄԱՆ ԿԱՐԳԸ ԵՎ ԺԱՄԿԵՏՆԵՐԸ

4.1. Կատարողի կողմից Ծառայություններ մատուցման համար Պատվիրատուն վճարում է Հավելված 2-ի սակագներին համապատասխան:

4.2. Բոլոր հաշվարկները և վճարումները կատարում են ՀՀ դրամով:

4.3. Պատվիրատուն իրեն մատուցած ծառայությունների դիմաց վճարում է անկանխիկ՝ դրամական միջոցները Կատարողի հաշվարկային հաշվին փոխանցելու միջոցով: Վճարումներն իրականացվում են հետվճարային եղանակով: Հաշիվները տրամադրվում են Պատվիրատուին ամեն ամիս՝ Պատվիրատուի տրամադրած էլեկտրոնային փոստի հասցեով, իսկ քննիչներն ուղարկվում են փոստային ծառայության միջոցով: Պատվիրատուն վճարումները կատարում է հաշիվը ստանալուց հետո 15 օրվա ընթացքում: Եթե վճարումները չեն կատարվում 15 օրվա ընթացքում, Կատարողն իրավունք ունի դադարեցնել ծառայությունների մատուցումը՝ նախազգուշացնելուց 48 ժամ հետո: Պատվիրատուին տրամադրվող ծառայությունները վերականգնվում են պարտքի մարումից հետո՝ 3 ժամվա ընթացքում:

5. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

5.1. Կատարողը պատասխանատվություն է կրում Ծառայությունների մատուցման՝ սույն Պայմանագրի պահանջների պահպանման համար:

5.2. Պատվիրատուի կողմից, սույն Պայմանագրով նախատեսված Ծառայությունների մատուցման ժամկետը (մեկ տարին) չլրացած, սույն Պայմանագիրը լուծելու դեպքում, Պատվիրատուն պարտավորվում է վճարել Հավելված 1-ում նախատեսված Ծառայությունների մատուցման նպատակով Կատարողի ծախսած գումարները՝ դրանք հաստատող փաստաթղթերի համաձայն, բացառությամբ սույն պայմանագրի 2.1.3, 6 և 10.2 կետերում նախատեսված դեպքերի:

5.3. Պատվիրատուի կողմից սույն պայմանագրի 4.3 կետով նախատեսված ժամկետի խախտման դեպքում Պատվիրատուի նկատմամբ յուրաքանչյուր ուշացված օրվա համար հաշվարկվում է տույժ՝ վճարման ենթակա, սակայն չվճարված գումարի 0,05%-ի չափով:

5.4. Օրենսդրությամբ պահանջվող, սակայն սույն Պայմանագրով չնախատեսված իրենց պարտավորությունները չկատարելու կամ ոչ պատշաճ կատարելու համար կողմերն պատասխանատվության են ենթարկվում ՀՀ օրենսդրությամբ սահմանված կարգով:

5.5. Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:

6. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆ (ՖՈՐՍ-ՄԱԺՈՐ)

Սույն Պայմանագրով սահմանված պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն Պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն Պայմանագրով պարտավորությունների կատարումը: Եթե արտակարգ ուժի ազդեցությունը շարունակվում է 1 (մեկ) ամսից ավելի, ապա կողմերից յուրաքանչյուրն իրավունք ունի լուծել Պայմանագիրը՝ այդ մասին նախապես տեղյակ պահելով մյուս կողմին:

7. ՏԱՐԱՁԱՅՆՈՒԹՅՈՒՆՆԵՐԻ ԿԱՐԳԱՎՈՐՈՒՄ

Սույն Պայմանագրի կապակցությամբ ծագած վեճերը և տարաձայնությունները լուծվում են բանակցությունների միջոցով: Համաձայնություն ձեռք չբերվելու դեպքում՝ վեճերի լուծումն իրականացվում է ՀՀ օրենսդրությամբ սահմանված կարգով:

8. ԳԱՂՏՆԻՈՒԹՅՈՒՆ

Պատվիրատուի կողմից ուղարկված և ստացված ամբողջ տեղեկատվությունը մասնավոր է և գաղտնի, այն ենթակա չէ հրապարակման կամ որևէ երրորդ կողմին տրամադրման: Կատարողն ի վիճակի չէ ապահովել գաղտնիության ավելի բարձր աստիճան, քան հեռահաղորդակցության ցանցերում օգտագործվող ընդունված գաղտնիությունն է:

9. ՊԱՅՄԱՆԱԳՐԻ ԺԱՄԿԵՏԸ

9.1. Սույն Պայմանագիրը կնքվում է անժամկետ: Պայմանագիրն ուժը չի կորցնում կողմերի վավերապայմանների փոփոխության, կողմերի հիմնադիր փաստաթղթերի փոփոխման, սեփականատիրոջ փոփոխման, կազմակերպական ձևի փոփոխության դեպքում:

9.2. Սույն պայմանագրով նախատեսված ծառայությունների մատուցման ժամկետը կարող է փոփոխվել պայմանագրի կողմերից մեկի առաջարկության առկայության դեպքում՝ պայմանով, որ պատվիրատուի մոտ չի վերացել ծառայություն ստանալու պահանջը:

10. ԵԶՐԱՓԱԿԻՉ ԴՐՈՒՅԹՆԵՐ

10.1. Սույն Պայմանագիրն ուժի մեջ է մտնում կողմերի ստորագրման պահից:

10.2. Այն դեպքում, երբ օրենքով նախատեսված կարգով գնումների մասին Հայաստանի Հանրապետության օրենսդրության պահանջների կատարման նկատմամբ հսկողության և (կամ) վերահսկողության կամ բողոքների քննության արդյունքում արձանագրվում է, որ գնման գործընթացում, մինչև Պայմանագրի կնքումը, Կատարողը ներկայացրել է կեղծ փաստաթղթեր (տեղեկություններ և տվյալներ), կամ Կատարողին հաղթող ճանաչելու (ընտրելու) մասին որոշումը չի համապատասխանում Հայաստանի Հանրապետության օրենսդրությանը, ապա այդ հիմքերն ի հայտ գալուց հետո Պատվիրատուն իրավունք ունի միակողմանիորեն լուծելու Պայմանագիրը, եթե արձանագրված խախտումները մինչև Պայմանագրի կնքումը հայտնի լինելու դեպքում գնումների մասին Հայաստանի Հանրապետության օրենսդրության համաձայն հիմք կհանդիսանային Պայմանագիրը չկնքելու համար: Ընդ որում, Պատվիրատուն չի կրում Պայմանագրի միակողմանի լուծման հետևանքով Կատարողի համար առաջացող վնասների կամ բաց թողնված օգուտի ռիսկը, իսկ Կատարողը պարտավոր է Հայաստանի Հանրապետության օրենսդրությամբ սահմանված կարգով փոխհատուցել իր մեղքով Պատվիրատուի կրած վնասներն այն ծավալով, որը չի ծածկվում մինչև լուծումը գնման Պայմանագրի կատարմամբ Պատվիրատուի ստացածով:

10.3. Սույն Պայմանագրում փոփոխություններ (այդ թվում Հավելված 2-ով սահմանված սակագների) և լրացումներ կարող են կատարվել միայն Կողմերի փոխադարձ համաձայնությամբ՝ նոր Պայմանագիր կնքելու միջոցով, որը կհանդիսանա սույն Պայմանագրի անբաժանելի մասը:

Արգելվում է սույն Պայմանագրում կատարել այնպիսի փոփոխություններ, որոնք հանգեցնում են գնվող ծառայության ծավալների կամ Պայմանագրի գնի արհեստական փոփոխման:

10.4. Սույն Պայմանագրի պատշաճ կատարման պայմաններում կողմերի (Կատարող և (կամ) Պատվիրատու) օգուտները (խնայողություններ) և (կամ) կրած վնասները տվյալ կողմի օգուտը կամ կրած վնասն են:

Սույն Պայմանագրի կողմերի՝ երրորդ անձանց նկատմամբ պարտավորությունները՝ ներառյալ Պայմանագրի կատարման շրջանակում Կատարողի կնքած այլ գործարքները և դրանցից բխող պարտավորությունները, դուրս են Պայմանագրի կարգավորման դաշտից և չեն կարող ազդել Պայմանագրի կատարման արդյունքն ընդունելու վրա: Այդ գործարքների և դրանցից բխող պարտավորությունների կատարման հետ կապված հարաբերությունները կարգավորվում են այդ գործարքների հետ կապված հարաբերությունները կարգավորող նորմերով, և դրանց համար պատասխանատու է պատվիրատուի հետ Պայմանագիր կնքած անձը:

10.5. Սույն Պայմանագիրը, այդ թվում հավելվածները, կազմված է 9 էջից, կնքվում է երկու բնօրինակով, որոնք ունեն հավասարազոր իրավաբանական ուժ: Յուրաքանչյուր կողմին տրվում է Պայմանագրի մեկ բնօրինակ:

10.6. Կողմերից մեկի՝ սույն Պայմանագրից ծագած վճարային պարտավորությունը չի կարող դադարել այլ պայմանագրից ծագած՝ հակընդդեմ պարտավորության հաշվանցով, առանց կողմերի գրավոր և կնիքով հաստատված համաձայնության: Սույն Պայմանագրից ծագած պահանջի իրավունքը չի կարող փոխանցվել այլ անձի, առանց պարտապան կողմի գրավոր համաձայնության:

11. ԿՈՂՄԵՆԻ ՀԱՅԵՆՆԵՐԸ, ԲԱՆԿԱՅԻՆ ՎԱՎԵՐԿԱՅԻՆ ԿԱՌԱՐԱՐՈՒԹՅՈՒՆՆԵՐԸ

«ԱՐՄԻՆԿՈ» ՍՊԸ
Ք.Երևան, Մաշտոց 51
(Իրավաբանական հասցե)

Ք.Երևան, Իսահակյան 28
(Գործունեության հասցե)

Հեռ. 060270000
Ֆաքս. 060271111

ՀՎՀՀ 01501597
Հ/Հ 1570005315720100
«Ամերիաբանկ» ՓԲԸ

E-mail: support@arminco.com

«ԱՐՄԻՆԿՈ» ՍՊԸ

Տնօրեն

Արման Ներսիսյան

ՀՀ արտաքին գործերի նախարարություն
ՀՀ, Երևան 0010, Հանրապետության հրապարակ
Կառավարական տուն #2
(Իրավաբանական և գործունեության հասցե)

Հեռ. +374 10 544041
Ֆաքս. +374 10 543925


ՀՎՀՀ 02527728
Հ/Հ 900011196095
ՀՀ ՖՆ աշխատակազմի գործառնական
վարչություն

E-mail: info@mfa.am

ՀՀ արտաքին գործերի նախարարություն

Գլխավոր քարտուղար

Ծախեն Ավագյան



«Արմինկո» ՍՊԸ կողմից Հայաստանի Հանրապետության արտաքին գործերի նախարարությանը հեռահաղորդակցության ծառայությունների մատուցման տեխնիկական բնութագիր

1-ին ՓՈՒԼ

1. Սույն Պայմանագրի կնքումից հետո առաջին ամսվա ընթացքում Կատարողը Պատվիրատուի հասցեում տեղադրում և գործարկում է նոր սերնդի ավտոմատ հեռախոսային կայան (ԱՀԿ), որի սեփականության իրավունքը սույն Պայմանագրով սահմանված ժամկետի (մեկ տարի) ավարտից հետո անցնում է Պատվիրատուին:

1.1. ԱՀԿ-ի տեխնիկական բնութագիրը ներկայացված է Հավելված 1.1.-ում:

1.2. ԱՀԿ-ի օգտագործվող հեռախոսային մուտքերի (պորտերի) քանակը Պատվիրատուի հասցեում կազմում է 300, ամեն մի մուտքին հատկացվում է 06062xxxx համարակալման շարքից մեկ չկրկնվող համար:

1.3. Կատարողն ապահովում է «Արմինկո» ՓԲԸ-ի 8 մուտքային գծերի միացումը ԱՀԿ-ին: Նշված 8 հեռախոսահամարների սպասարկման գումարների համար Կատարողը որևէ պատասխանատվություն չի կրում:

1.4. Կատարողի կողմից Պատվիրատուին տրամադրվում է 220 չկրկնվող համար՝ 06062xxxx համարակալման շարքից:

1.5. ԱՀԿ-ն ապահովում է հանրային օգտագործման փաթեթային ցանցերի (Ինտերնետի) միջոցով ՀՀ դիվանագիտական ներկայացուցչություններում տեղադրված, SIP արձանագրությամբ աշխատող, մինչև 300 հեռախոսների միացումը Պատվիրատուի ներքին ցանցին՝ ունենալով 06062xxxx համարակալման շարքից մեկ չկրկնվող համար: Դիվանագիտական ներկայացուցչություններին տրամադրվող համարների քանակը որոշվում է ըստ համապատասխան դիվանագիտական ներկայացուցչություններին համակարգին միացնելուն և համարներ տրամադրելուն զուգընթաց:

1.6. Լրացուցիչ համարների տրամադրումը կամ գործող համարների քանակի պակասեցումը կատարվում է Պատվիրատուի կողմից Կատարողին ուղղված գրավոր դիմումի հիման վրա:

1.7. Պատվիրատուին անհատական համարներ տրամադրելու ընթացքում պակասող հեռախոսային ապարատները (ախտիետ՝ հեռախոս) տրամադրվում են Կատարողի կողմից՝ համաձայն սույն Հավելվածի 2.1. կետի պայմանների:

1.8. Կատարողն անհատույց ապահովում է ԱՀԿ-ի տեղադրումը, կարգավորումները և համապատասխան մասնագետի ուսուցումը: Առավել քարզ խնդիրներ առաջանալու դեպքում Կատարողն անհատույց տրամադրում է տեխնիկական աջակցություն՝ առանց ժամկետային սահմանափակման:

1.9. ԱՀԿ-ի համար Կատարողը տալիս է 2 տարվա երաշխիք, որի ընթացքում առաջացած բոլոր խնդիրները կարգավորվում են Կատարողի կողմից:

2-րդ ՓՈՒԼ

2. Պատվիրատուի ներքին ցանցային նոր համակարգի տեղադրումից հետո Կատարողը իրականացնում է SIP արձանագրությամբ աշխատող հեռախոսների տեղադրումը և կարգավորումը:

2.1. SIP արձանագրությամբ աշխատող հեռախոսները, ըստ սույն Հավելվածով սահմանված համարների քանակի, Պատվիրատուին անհատույց տրամադրվելու են Կատարողի կողմից՝ համաձայնեցնելով համագործակցության պայմանները և դրանք, որպես Հավելված, կցելով սույն Պայմանագրին:

2.2. Դիվանագիտական ներկայացուցչությունների սույն Հավելվածի 1.5. կետով սահմանված միացումները սկսվում են իրականացվել ԱՀԿ-ի գործարկումից հետո:

2.3. Դիվանագիտական ներկայացուցչությունները SIP արձանագրությամբ աշխատող հեռախոսների ծեռք են բերվում Պատվիրատուի կողմից:



Հավելված 1.1

Ավտոմատ հեռախոսային կայանի տեխնիկական բնութագիրը

- XORCOM ընկերության հիմնական «TwinStar 3000 Failover PBX» ԱՀԿ-ն իրենից ներկայացնում է զույգավորված երկու ԱՀԿ, որոնցից մեկն ապահովում է ընթացիկ աշխատանքը, իսկ մյուսը միացված վիճակում գտնվում է հերթապահ ռեժիմում: Առաջին ԱՀԿ-ի աշխատանքի խափանման դեպքում անմիջապես սկսում է աշխատել հերթապահ ռեժիմում գտնվող երկրորդ ԱՀԿ-ն:
- Astribank USB Channel Bank 16 FXO, 1U Case - սարքն ապահովում է 16 մուտքային պորտ պարունակող, մուտքային զանգ ընդունող սարք:
- Astribank USB Channel Bank 32 FXS, 1U Case - սարքն ապահովում է 32 ներքին հեռախոսահամարի պորտ պարունակող սարք: Նախատեսվում է 8 այդպիսի սարք՝ ընդհամենը 256 ներքին հեռախոսահամար ունակությամբ:
- Hardware Echo Canceler Including 32 Channels - ապահովում է արձագանքի ճնշում՝ ապարատային մակարդակով, տեղադրվում է FXO/FXS բոլոր սարքերի մեջ:
- Redundant Power Supply Base unit, 1U Case, Power Supply Unit for RPS - անխափան սնուցման աղբյուր՝ իր պահեստային սնուցման աղբյուրով:

Ներառված են նաև ԱՀԿ բաղադրիչները միացնող լարեր և կոմուտացիոն հարեր:

ԱՀԿ-ն ապահովում է 500 բաժանորդի միացման հնարավորություն, որոնցից 256-ը միացվում են հեռախոսալարերով, իսկ մնացածը՝ SIP արձանագրությամբ աշխատող հեռախոսասարքերով: SIP հեռախոսասարքերը հնարավոր է տեղադրել ցանկացած վայրում, ապահովելով նրանց ինտերնետ միացում, որի միջոցով այդ հեռախոսասարքերը դառնում են ներքին ԱՀԿ բաժանորդ: ԱՀԿ-ն ունի կիրառվող ծայնային կոդեքների միջոցով ծայնի ձևավորում, մասնավորապես՝ G.729, G711, GSM:

Մանրամասն տեղեկությունների հնարավոր է ստանալ www.xorcom.com կայքում: Աղյուսակում ներկայացված է տեղադրվող սարքավորման ցանկը իրենց ֆիրմային համարներով:



#	Item No.	Description	Quantity
1	TS3000	TwinStar 3000 Failover PBX	1
2	XR0010/1U	Astribank USB Channel Bank - 16 FXO, 1U Case	1
3	XR0008	Astribank USB Channel Bank - 32 FXS, 1U Case	1
4	XR0034	Telecom Connection Option - 3m cable for 1U Case	1
5	XR0124	Hardware Echo Canceler Including 32 Channels	8
6	XR0034	Telecom Connection Option - 3m cable for 1U Case - Separate Kit	1
7	XR0124	Hardware Echo Canceler Including 32 Channels - Separate modules	2
8	XR0067	Rapid PA	1
9	XR0108	Redundant Power Supply - Base unit, 1U Case	1
10	XR0109	Power Supply Unit for RPS	1
11	XR0104	Internal 4 Port USB Hub Module for Redundant Power Supply	4

ՀՀ արտաքին գործերի նախարարությանը տրամադրվող հեռախոսակապի ծառայությունների սակագները

1. Սակագները.

1.1. Գործում է Պայմանագրի կնքելուց հետո առաջին տարվա ընթացքում.

- | | |
|---|-----------------|
| • մեկ համարի ամսական վարձ | - 3600 դրամ |
| • մեկ SIP արձանագրությամբ գործող համարի ամսական վարձ | - 360 դրամ |
| • 1 թույն հեռախոսակապ Պատվիրատուի համարների միջև | - 0 դրամ |
| • 1 թույն հեռախոսակապ դեպի այլ օպերատորների ֆիքսված կապի ցանցեր | - 5 դրամ |
| • 1 թույն հեռախոսակապ դեպի ՀՀ քջջային ցանցեր | - 17 դրամ |
| • 1 թույն հեռախոսակապ ՀՀ միջազգային | - 14 դրամ |
| • 1 թույն միջազգային հեռախոսակապ | - ներկայացված է |
- www.arminco.com կայքում և համապատասխանում է գործող ելքային ծառայություններ մատուցող ընկերությունների սակագներին:

1.2. Գործում է Պայմանագրի կնքելուց հետո առաջին տարվա ավարտից հետո.

- | | |
|---|-----------------|
| • մեկ համարի ամսական վարձ | - 360 դրամ** |
| • մեկ SIP արձանագրությամբ գործող համարի ամսական վարձ | - 360 դրամ |
| • 1 թույն հեռախոսակապ Պատվիրատուի համարների միջև | - 0 դրամ |
| • 1 թույն հեռախոսակապ դեպի այլ օպերատորների ֆիքսված կապի ցանցեր | - 5 դրամ |
| • 1 թույն հեռախոսակապ դեպի ՀՀ քջջային ցանցեր | - 17 դրամ |
| • 1 թույն հեռախոսակապ ՀՀ միջազգային | - 14 դրամ |
| • 1 թույն միջազգային հեռախոսակապ | - ներկայացված է |
- www.arminco.com կայքում և համապատասխանում է գործող ելքային ծառայություններ մատուցող ընկերությունների սակագներին:

2. Կապի որակին վերաբերող դրույթներ

2.1. Հայաստանի Հանրապետության տարածքում գործող այլ ֆիքսված և քջջային ցանցեր ելքային ու մուտքային զանգերի որակը պիտի համապատասխանի ՀՀ գործող և միջազգային ընդունված ստանդարտներին:

2.2. Դեպի արտերկրներ կատարվող ելքային և մուտքային զանգերի որակը պիտի համապատասխանի ՀՀ գործող և միջազգային ընդունված ստանդարտներին:



* Սույն Հավելվածում ներկայացված գների համակարգը ներառում են ավելացված արժեքի հարկը, Կառավարող կողմից իրականացվող բոլոր ծախսերը՝ այդ թվում հարկերը, տուրքերը և ՀՀ օրենսդրությամբ սահմանված այլ վճարները:

** Եթե սույն Պայմանագրի Հավելված 1-ի 2.1. կետով այլ պայմաններ չառաջանան: